

醫藥叢書

第一集
第二種

羅謙甫治驗案

上卷

中華民國五年冬月鐫版定價每冊

角四

羅謙甫治驗案卷上

紹興醫藥學報社發行

版藏紹興裘氏

紹興醫藥學時地發刊

中華民國二十五年冬月
上海神州書局發行

讀醫藥學報於中國岐黃家言兼綜條
貫所刊叢書亦多醫林祕籍自頃中醫
日竄歐化東漸物競爭存駸駸有喧奪
之勢作者軒中輕西期以保存國粹意
甚盛也然欲攻人之短必先知人之長
欲伸己之長亦必知己之短吾國醫學

軒岐而後仲聖實集大成然傷寒金匱
兩書章次凌亂已非原書泥古之失豪
釐千里宋元學者門戶分歧溫補清涼
有如聚訟承學之士靡所適從且六淫
之氣與時變遷今病古方不無鑿柄古
之名醫多自採藥後漢韓康賣藥長安

市中所謂賣藥者卽爲人治病前清乾隆中葉吳門葉天士薛生白猶自市藥今世藥品取諸一闕之市審別不確炮製失宜方是藥非誤人尤甚凡此數端皆中醫所短不能自諱其本無學術託此罔利者又無論矣西醫以解剖爲實

驗臟腑部位已較中國古書爲確分化
藥品精益求精不似吾國藥肆之草草
從前以中西體質不同猶多扞格近日
體驗益真成效大著且多以中國藥品
別爲炮製知西方學者於吾國本草諸
書已極研究吾國學者倘未能深窺彼

之堂奧而徒欲抑人伸己恐西醫竊笑
其後也今欲保存舊學唯有舉吾國歷
驗不爽之舊說參以新理融會貫通其
卮言駢枝概從摒棄庶與西醫驟斬并
行不致爲天演所淘汰若遽欲拔趙幟
立漢幟竊恐無是事也作者宜勉之

河間馮國璋序

立英紳商志無異
 行不疑為天賦
 司言無對謝
 不喪之舊
 今裕
 裕時人
 日怒西
 西醫
 笑

醫藥叢書第一集序

以藝術重當世著方書兮流傳上自三代君相下至草野布衣代有其人相沿不絕者儒家之外醫林爲巨擘焉國家多故干戈迭乘世變滄桑難免湮沒或則錯簡脫落或則附會贅疣名重之書價昂而寒素者未易力辦布衣之著名微而徵集者尤多踈忽故書雖汗牛充棟而欲其集大成也難矣曩者越邵吉生裘君與諸同志創辦醫藥學報于紹興公餘之暇每嘆中國醫藥學之荒蕪大都由于醫藥學書之散失而孤本秘著之鮮見者尤難徵集于一時因下詢全國醫藥界籌妥善辦法爲維持久計苦心孤詣可謂至矣乃論者紛紛終難著手謬因提倡公司之說爲實力實行之基礎裘君不以落落爲妄竟首先發起爲衆所難半載以茲效果昭然雖投股者因循觀望而醫藥叢書第一集已誕生于世界矣自後熱心志士紛紛投股踴躍爭先而叢書之出亦由一集而二三集十集百集以至千萬集凡屬醫藥之書莫不匯集且定價低廉便于拆

購無價昂之虞免難求之憾有力者購全之可為醫中博士無力者擇購數種
亦可為應世良醫一舉而數善備詎非大快事乎此謬之所以敢為世告而樂
為序端其首云崑

民國五年歲次丙辰葭月常熟汝偉氏張謬識于壽石居

夫由由于醫藥學之進步而本國醫術之改良者大獲進展于一切因不此
夫吾與諸同志信機醫藥學時于陳總公翁之知吾等中國醫藥學之亟兼
備而購藥者久矣然恐妨書費者半次耐而始其求大知也然矣雖書極其
小醫者簡定之代醫林以望意圖定多姑于文悉乘甘變自乘機與而或如
以獲而重當世皆式齊今新制士自三分存於不至草裡亦必升百其人林
藥費書果一表乳

醫藥叢書第一集凡例

一是書專刻先輩遺稿近賢新著並已行亡版之孤本期於流通不致湮沒四方同志有以藏書見惠酬答從豐

一近時書籍多用石印鉛印及洋紙形式既不樸質藏晒尤難經久故本書不惜工本純用木刻中紙古式精裝爲完全藏書格式且爲完全國貨

一是集所採各書共計六種皆爲極有價值之書閱者自能賞鑑

一叢書體例常見數種小冊合訂一本是書概以按種分訂俾無力全購者得以指購單種

一本集有未及刊完之書必於下集續刊決不間斷致使閱者盼望

一是書無論統購全集或指購單種除預約半價外照定價均無折扣但書業報社代售者另議

一凡各處圖書館閱報社報館學校本會會員本社社友如同時并購全集二

一部者當加贈一部

一凡同時并購上百部者不拘全集單種准可附印只收工料但不得另行翻

一刻

一購書者將書價及郵費一併用郵匯最爲妥便不通郵匯之處以郵票代銀

亦可但須固封函內掛號直寄紹興城中醫藥學報社收當班奉書不悞

一下集所採書書目莫氏研經言羅氏治驗案吳氏醫案惜分陰軒醫案皆續

刻外爲市隱廬醫學襍著李冠仙知醫必辨幅頁加增定價照前並仍准預

約五十部郵費一角六分書價對折作八角限滿截止

式同志育以藏書良惠願各發

一最書專隊於蓋戲蘇我寶祿管並日行立刻之通本限兌前或不佳對對

醫藥叢書第一集凡四

醫藥叢書第一集總目

- 第一種 莫枚士研經言卷一
第二種 周氏易簡方集驗方合刻全
第三種 羅謙甫治驗案卷上
第四種 吳氏醫案卷一
第五種 惜分陰軒醫案卷一
第六種 重刻人參考全

羅謙甫治驗案序

車軌日同歐風東漸醫學亦由哲學而趨於科學貫串一氣之學說必別病理
診斷治療等科立言似較易喻夫窮研病理精究診斷歸厥成功全在治療而
治療之奏效與否尤在經驗有經驗則病理明診斷確古今中外凡能發明一
藥之功用一病之原因無不由此經驗而過至記載此治療之經驗曰治驗案
中國謂之醫案外國謂之病牀日誌皆貫串病理診斷治療而記載之文理雖
殊大體則同中醫數千年來各家之醫案夥矣能言明病理確定診斷與夫治
療上之用藥處方一本於靈素難脈諸經奧旨者不多覩也羅謙甫先生爲東
垣之高足得易老之薪傳診病用藥無不本於經旨所有驗案皆在衛生寶鑑
一書如名醫類案中所選者亦多出其中惜東鱗西爪未獲全編而衛生寶鑑
原書版又燬失將使一代名言終歸湮沒予素藏有全書抄本乃時以精華惟
在驗案故另錄副冊以便隨時繙閱前年歸里原本存於潘寓爲某大僚久假

不歸覩此一冊更自寶貴近以醫藥叢書之刻不敢自秘編次二卷公諸同道名之曰羅謙甫治驗案雖非先生原書全豹然留此廬山半面庶亦聊勝於無至書中每案自標題至方藥照本書一字不有加減即其學說之與近時新理或稍相背處亦不敢僭評一語蓋時代不同未便勉強牽扯俾讀之者知古書自有古書意義也惟是國醫不振岐黃之餘緒將墜而醫學範圍不知何日能由形下而漸臻形上再自科學以趨於哲學予於是書之編輯刊行不禁感慨係之矣

中華民國五年十月吉生裘慶元序於紹興醫藥學報社

鐵飛甫尚劍寒乳

羅謙甫治驗案卷上目錄

飲食自倍腸胃乃傷治驗

溫中益氣治驗

虛中有熱治驗

發狂辨

陽證治驗

陰證治驗

陰氣有餘多汗身熱

風中血脈治驗

風中府兼中藏

風邪入肝

中藏治驗

驚癇治驗

癘風刺法并治驗

氣虛頭痛治驗

面熱治驗并方

面寒治驗

陰出乘陽治法

盛則爲喘治驗

生津甘露飲子

膽疸治驗

汗之則瘡已

凡治病必察其下

胃脘當心而痛治驗

養正積自除

腹中積聚方

胃氣爲本

穀瘕治驗

疝氣治驗

陰陽皆虛灸之所宜

陰結便血治驗

葱熨法治驗

中暑霍亂吐利治驗

內傷霍亂治驗

瘧瘧治驗

結陰丹等方 附椿皮散

中氣不足治驗

通經丸

生地黄丸

熱入血室證治并方

淋痛治驗

臍脹治驗

疝氣治驗

癖積治驗

小兒季夏身熱痿黃治驗

八毒赤丸

蟬花散

定風散

脚氣治驗

病有遠近治有緩急

疝寒治驗

肝勝乘脾

風痰治驗

上熱下寒治驗

陽證治驗

羅謙甫治驗案卷上

紹興吉生裘慶元輯錄

門人

紹興俊臣朱祖瑞
暨陽仲友趙綏福

同參校

飲食自倍腸胃乃傷治驗

癸丑歲予在王府承應至瓜忽都地面往冬有博兒赤馬刺約年三旬有餘因獵得兔以火炙食之各人皆食一枚惟馬刺獨食一枚半抵暮至營極困倦渴飲潼乳斗餘是夜腹脹如鼓疼痛悶亂卧而欲起起而復卧欲吐不吐欲瀉不瀉手足無所措舉家驚慌請予治之具說飲食之由診其脈氣口大二倍於人迎乃飲食傷太陰經之候也右手關脈又且有力蓋燒肉乾燥因而多食則致渴飲乾肉得潼乳之溼是以滂滿於腸胃腸胃乃傷非峻急之劑則不能去遂以備急丸五粒覺腹中轉矢氣欲利不利復投備急丸五粒又與無憂散五錢須臾大吐又利十餘行皆物與清水相合而下約二斗餘腹中空快漸漸氣調

至平旦以薄粥飲少少與之三日後再以參朮之藥調其中氣七日而愈或曰
用峻急之藥汝家平日所戒今反用之何也予對曰理有當然不得不然內經
曰水穀入胃則胃實而腸虛食下則腸實而胃虛更虛更實此腸胃傳化之理
也今飲食過節腸胃俱實胃氣不能腐熟脾氣不能運化三焦之氣不能升降
故成傷也大抵內傷之理傷之微者但減食一二日所傷之物自得消化此良
法也若傷之稍重者以藥內消之傷之太重者以藥除下之痺論有云陰氣者
靜則神藏躁則消亡飲食自倍腸胃乃傷今因飲食太過使陰氣躁亂神不能
藏死在旦夕矣孟子云若藥不瞑眩疾弗瘳峻急之劑何不可用之有或者
然之

溫中益氣治驗

中書左丞相史公年六旬有七至元丁卯九月間因內傷自利數行覺肢體沉
重不思飲食嗜吐懶言語舌不知味腹中疼痛頭亦痛而惡心醫以通聖散大

作劑料服之覆以厚衣遂大汗出前證不除而反增劇易數醫四月餘不愈予
被召至燕命予治之診視得六脈沈細而微弦不欲食食即嘔吐中氣不調滯
於升降口舌乾燥頭目昏眩肢體倦怠足胛冷臥不欲起丞相素不飲酒肢體
本瘦又因內傷自利又復獲汗是重竭津液脾胃愈虛不能滋榮周身百脈故
使然也非甘辛大溫之劑則不能溫養其氣經云脾欲緩急食甘以緩之又脾
不足者以甘補之黃芪人參之甘補脾緩中故以爲君形不足者溫之以氣當
歸辛溫和血潤燥木香辛溫升降滯氣生薑益智草豆蔻仁辛甘大熱以蕩中
寒理其正氣白芍炙甘草橘皮苦溫乃厚腸胃麥蘖麩寬腸胃而和中神麩辛
熱導滯消食而爲佐使也右件咬咀一兩水煎服之嘔吐止飲食進越三日前
證悉去左右侍者曰前證雖去九日不大便如何予曰丞相年高氣弱旣利且
汗脾胃不足陽氣虧損津液不潤也豈敢以寒涼有毒之劑下之仲景曰大發
汗後小便數大便堅不可用承氣湯如此雖內結宜以蜜煎導之須臾去燥屎

二十餘塊遂覺腹中空快上下氣調又以前藥服之喜飲食但有所傷則以橘皮枳朮丸消導之至月餘其病乃得平復丞相曰病既去矣當服何藥以防其復來予曰不然但慎言語節飲食不可服藥夫用藥如用刑民有罪則刑之身有疾則藥之無罪妄刑是謂虐民無病妄藥反傷正氣軍志有曰允當則歸服而舍之可也丞相悅而然之

虛中有熱治驗

建康道按察副使粵毛周卿子年二十有三至元戊寅二月間病發熱肌肉消瘦四肢困倦嗜臥盜汗大便溏多腸鳴不思飲食舌不知味懶言語時來時去約半載餘請予治之診其脈浮數按之無力正應王叔和浮脈歌曰臟中積冷榮中熱欲得生精要補虛先灸中脘乃胃之經也使引清氣上行肥腠理又灸氣海乃生發元氣滋榮百脈長養肌肉又灸三里乃胃之合穴亦助胃氣撤上熱使下於陰分以甘寒之劑瀉熱火佐以甘溫養其中氣又食粳米羊肉之類

固其胃氣戒其慎言語節飲食懲忿窒欲病氣日減數月氣得平復逮二年肥盛倍常或曰世醫治虛勞病多用苦寒之劑君用甘寒之藥羊肉助發熱人皆忌之令食羊肉粳米之類請詳析之予曰內經云火位之主其瀉以甘藏氣法時論云心苦緩急食酸以收之以甘瀉之瀉熱補氣非甘寒不可若以苦寒以瀉其上使脾土愈虛火邪愈盛又曰形不足者溫之以氣精不足者補之以味勞者溫之損者益之十劑云補可去弱人參羊肉之屬是也先師亦曰人參能補氣虛羊肉能補血虛虛損之病食羊肉之類何不可之有或者歎曰潔古之學有自來矣

發狂辨

甲寅歲四月初予隨幹耳朵行至界河裏住醜厮兀闕病五七日發狂棄衣而走呼叫不避親疏手執潼乳與人飲之時人皆言風魔了巫師禱之不愈而反劇上聞命予治之脈得六至數日不得大便渴飲潼乳予思之北地高寒腠

理緻密少有病傷寒者然北地此時乍寒乍熱因此觸言寒邪失於解利因轉屬陽明證胃實譫語又食羊肉以助其熱兩熱相合是謂重陽則狂陽勝宜下急以大承氣湯一兩半加黃連二錢水煎服之是夜下利數行燥屎二十餘塊得汗而解翌日再往視之身涼脈靜眾人皆喜曰羅謙甫醫可風靡的也由此可見傷寒非雜證之比六經不同傳變各異診之而疑不知病源互相侮嫉嗚呼嗜利貪名恥於學問此病何日而愈耶

陽證治驗

南省參議官常德甫至元甲戌三月間赴大都路感傷寒證勉強至眞定館於常參謀家遷延數日病不差總府李經歷并馬錄事來求治予往視之診得兩手六脈沉數外證身卻涼四肢厥逆發斑微紫見於皮膚唇及齒齦破裂無色咽喉聲啞默默欲眼目不能開精神鬱冒反側不安此證乃熱深厥亦深變成狐惑其證最急詢之從者乃曰自內邱縣感冒頭痛身體拘急發熱惡寒醫以

百解散發之汗出浹背殊不解每經郡邑治法一同發汗極多遂至如此予詳其說兼平昔膏粱積熱於內已燥津液又兼發汗過多津液重竭因轉屬陽明故大便難也急以大承氣湯下之得更衣再用黃連解毒湯病減大半復與黃連犀角湯數日而安此德甫交情愈厚也

陰證治驗

至元己巳六月予住夏於上都僉院董彥誠年踰四旬因勞役過甚煩渴不止極飲潼乳又傷冷物遂自利腸鳴腹痛四肢逆冷冷汗自出口鼻氣亦冷六脈如蛛絲時發昏憤眾大醫議之以葱熨臍下又以四逆湯五兩生薑二十片連鬚葱白九莖水三升煮至一升去粗涼服至夜半氣溫身熱思粥飲至天明而愈玉機真藏論云脈細皮寒氣少泄利飲食不入此謂五虛漿粥入胃則虛者活信哉魯齋許先生聞之歎曰病有輕重方有大小治有緩急僉院之證非大方從權急治則不能愈也至真要大論云補下治下制以急急則氣味厚此之

謂也

陰氣有餘多汗身寒

真定府武德鄉年四十六歲至元丙子三月間因憂思勞役飲食失節得病肢體冷口鼻氣亦涼額上冷汗出時發昏憤六脈如蛛絲一醫作風證欲以宣風散下之予因思錢氏小兒論制宣風散謂小兒內傷脾胃或吐或瀉久則風邪陷入胃中而作殮泄散中有結恐傳慢驚以宣風散導去風邪內經云久風爲殮泄正此謂也今德鄉形證乃陰盛陽虛苦寒之劑非所宜也內經云陰氣有餘爲多汗身寒又陰陽應象論云陰盛則身寒汗出身常清數慄而寒寒而厥調經篇亦云陰盛生內寒岐伯曰厥氣上逆寒氣積於胸中而不瀉不瀉則溫氣去寒獨留故寒中東垣解云此脾胃不足勞役形體中焦營氣受病未傳寒中惟宜補陽遂以理中湯加黑附子每服五錢多用葱白煎羊肉湯取精汁一大錢調服之至夕四肢漸溫汗出少夜深再服翌日精神出六脈生數服而愈

嘗記李思順云證者證也病狀於中證形於外凡學醫道不看內經不求病源
妄意證病又執其方此皆背本趨末之務其誤多矣宜慎思之

風中血脈治驗

太尉忠武史公年六十八歲於至元戊辰十月初侍國師於聖安丈室中煤炭
火一爐在左側邊遂覺面熱左頰微有汗師友左右諸人皆出因左頰疏緩被
風寒客之右頰急口喎於右脈得浮緊按之洪緩予舉鑿學提舉忽君吉甫專
科鍼灸先於上灸地倉穴一七壯次灸頰車穴二七壯後於右頰上熱手熨之
議以升麻湯加防風秦艽白芷桂枝發散風寒數服而愈或曰世醫多以續命
湯等藥治之今君用升麻湯加四味其理安在對曰足陽明經起於鼻交頰中
循鼻外入上齒中手陽明經亦貫於下齒中況兩頰皆屬陽明升麻湯乃陽明
藥香白芷又行手陽明之經秦艽治口噤防風散風邪桂枝實表而固榮衛使
邪不能再傷此其理也夫病有標本經絡之別藥有氣味厚薄之殊察病之源

用藥之宜其效如桴鼓之捷不明經絡所過不知藥性所在徒執一方不惟無益而又害之者多矣學者且精思之

風中府兼中藏

順德府張安撫字耘夫年六十一歲於己未間十一月初患風證半身不遂語言蹇澀心神昏憤煩躁自汗表虛惡風如灑水雪口不知味鼻不聞香臭聞木音則驚怖小便頻多大便結燥若用大黃之類下之卻便飲食減少不敢用不然則滿悶晝夜不得瞑目而寐最苦於此約有三月餘凡三易醫病全不減至庚申年三月初七日又因風邪加之痰嗽噎乾燥疼痛不利唾多中脘氣痞似噎予思內經有風寒傷形憂恐忿怒傷氣氣傷藏乃病藏病形乃臆又云人之氣以天地之疾風名之此風氣下陷入陰中不能生發上行則爲病矣又云形樂志苦病生於脈神先病也邪風加之邪入於經動無常處前證互相出見治病必求其本邪氣乃服論時月則宜升陽補脾胃瀉風木論病則宜實表裏養

衛氣瀉肝木潤燥益元氣慎喜怒是治其本也宜以加減沖和湯治之服方

柴胡黃芪 各五分 升麻當歸甘草 各三分 半夏黃蘗 酒浸 黃芩人參陳皮芍藥

以上六味 右十一味咬咀作一服水二饅煎至一饅去粗溫服如自汗加黃芪

各二分 五分嗽者加五味子二十粒晝夜不得眠乃因心事煩擾心火內動上乘陽分

衛氣不得交入陰分故使然也以硃砂安神丸服之由是晝夜得睡十日後安

撫曰不得睡三月有餘今因睡不已莫非他病生否予曰不然衛氣者晝則行

陽二十五度夜則行陰亦二十五度此衛氣交入陰分循其天度故安撫得睡

也何病之有也止則眼白睛紅隱澀難開宜當歸連翹湯洗之方 黃連黃蘗

各五分 連翹 四分 當歸甘草 各三分 右作一服水二饅煎至一饅去粗時時熱

洗之十三日後至日晡微有悶亂不安於前沖和湯中又加柴胡三分以升少

陽之氣飲三服至十五日全得安卧減自汗惡寒躁熱胸膈痞悶小便多服藥

之後小便減少大便一二日一行鼻聞香口知味卻飲食如常脈微弦而柔和

按之微有力止則咽喉中妨悶會厭後腫舌赤早夜語言快利午後微瀆宜以

玄參升麻湯治之方 升麻黃連 各五分 黃芩 炒四分 連翹桔梗 各三分 玄參

鼠粘子甘草白殭蠶 各二分 防風 一分 右十味吹咀作一服水二觥煎至七分

去粗稍熱噉嗽時時嚙之前證良愈止則牙齒無力不能嚼物宜用牢牙散治

之方 羊洞骨灰升麻 各三錢 生地黃石膏黃連 各一錢 白茯苓人參 各五分

梧桐律 三分 右為極細末入麝香少許研勻卧時擦牙後以溫水漱之安撫初

病時右肩臂膊痛無主持不能舉動多汗出肌肉痠不能正卧卧則痛甚經曰

汗出偏沮使人偏枯予思內經云虛與實鄰決而通之又云留痠不移節而刺

之使經絡通和血氣乃復又言陷下灸之為陽氣下陷入陰中肩膊時痛不能

運動以火導之火引而上補之溫之已上證皆宜灸刺謂此先刺十二經之井

穴於四月十二日右肩臂上肩井穴內先鍼後灸二七壯及至瘡發漸於枯痠

處漸添肌肉汗出少肩臂微有力至五月初八日再灸肩井次於尺澤穴各灸

二十八壯引氣下行與正氣相獲次日臂膊又添氣力自能搖動矣時值仲夏暑熱漸盛以清肺飲子補肺氣養脾胃定心氣方 白芍藥五分 人參升麻柴

胡各四分 天門冬去心 麥門冬去心各三分 陳皮二分半 甘草生 黃芩黃蘗甘草炙

各二分 右十一味咬咀作一服水二饑煎至一饑去粗溫服食後汗多者加黃

芪五分後以潤腸丸治胸膈痞悶大便秘滯方 麻子仁另研 大黃酒煨各一兩五錢

桃仁泥子當歸尾枳實麩炒 白芍升麻各半兩 人參生甘草陳皮各三錢 木香

檳榔各二錢 右十二味除麻仁桃仁外為末卻入二仁泥子蜜如桐子每服七

八十九丸溫水食前送下初六日得處暑節猶未退宜微收實皮毛益衛氣秋以

衛氣為本以益氣調榮湯主之本藥中加時藥使邪氣不能傷也方 人參三

分臣 益氣和中當歸二分佐 和血潤燥陳皮二分佐 順氣和中熟地黃二分佐

養血潤燥瀉陰火白芍四分臣 補脾胃微收治肝木之邪升麻使陽明氣上升

滋榮百脈黃芪五分君 實皮毛止自汗益元氣半夏三分佐 療風疾強胃進食

白朮二分佐

養衛和中厚腸胃甘草炙二分調和諸藥温中益氣柴胡一分使

引少陽之氣出於胃中乃風行於天上麥門冬

三分佐

去心猶有暑氣未退故加之

安肺氣得秋分節不用

右十二味咀作一服水二觔煎至一觔去粗温服

忌食辛熱之物反助暑氣秋氣不能收也正氣得復而安矣

風邪入肝

紹興癸丑予住次四明有董生者患神氣不寧卧則夢飛揚雖身在牀而神魂離體驚悸多魘通宵不寐更數醫無效予爲診視之詢曰醫作何病治之董曰眾皆以爲心病予曰以脈言之肝經受邪非心也肝經因虛邪氣襲之肝藏魂者也遊魂爲變平人肝不受邪卧則魂歸於肝神靜而得寐今肝有邪魂不得歸是以卧則魂揚若離體也肝主怒故小怒則劇董生欣然曰前次未知聞也雖未服藥似覺沉疴去體矣願求藥治之予曰公且持此說與眾醫議所治之方而徐質之閱旬日復至云醫徧議古今書無與病對者故予處此二方以贈

之服一月而病悉除此方以眞珠母爲君龍齒佐之眞珠母入肝爲第一龍齒
 與肝同類故也龍齒虎睛今人例以爲鎮心藥殊不知龍齒安魂虎睛定魄各
 言其類也東方蒼龍木也屬肝而藏魂西方白虎金也屬肺而藏魄龍能變化
 故魂遊而不定虎能專靜故魄止而能守予謂治魄不寧者宜以虎睛治魂飛
 揚者宜以龍齒萬物有成理而不說亦在夫人達之而已 眞珠丸治肝經因
 虛內受風邪卧則魂散不安狀如驚悸眞珠母熟地黃當歸各一兩 酸棗仁柏
 子仁人參各一兩 犀角茯神沉香龍齒各半兩 虎睛一對 加麝香三錢 右爲末
 蜜丸如桐子大辰砂爲衣每服四五丸金銀薄荷湯下日午夜卧服 獨活
 湯獨活黑者 人參羌活防風前胡細辛沙參五味子白茯苓半夏麴甘草酸棗
 仁各一兩 右十二味吹咀每服四錢水一觥半生薑三片烏梅半箇煎七分去
 粗温服不拘時

中臟治驗

羅謙甫治驗案

卷上

眞定府臨濟寺趙僧判於至元庚辰八月間患中風半身不遂精神憤面紅頰赤耳聾鼻塞語言不出診其兩手六脈弦數管記潔古有云中藏者多滯九竅中府者多著四肢今語言不出耳聾鼻塞精神昏憤是中藏也半身不遂是中府也此藏府俱受病邪先以三化湯一兩內疏三兩行散其壅滯使清氣上升充實四肢次與至寶丹加龍骨南星安心定志養神治之使各藏之氣上升通利九竅五日音聲出語言少利後隨四時脈證加減用藥不均卽稍能行步日以繩絡其病腳如履闕或高處得人扶之方可踰也又刺十二經之井穴以接經絡翌日不用繩絡能行步幾百日大勢盡去戒之慎言語節飲食一年方愈

驚癇治驗

魏敬甫之子四歲一長老摩頂授記眾僧念咒因而大恐遂驚瘡痰涎壅塞目多白睛項背強急喉無聲一時許方省後每見衣皂之人輒發多服硃犀龍腦鎮墜之藥四十餘日前證仍在又添行步動作神思如癡命予治之診其脈沉

弦而急黃帝鍼經云心脈滿大癩瘰筋攣又肝脈小急癩瘰筋攣蓋小兒血氣未定神氣尙弱因而驚恐神無所依又動於肝肝主筋故癩瘰筋攣病久氣弱小兒易爲虛實多服鎮墜涼寒之藥復損其氣故行步動作如癡內經云暴攣癩眩足不任身取天柱穴者是也天柱穴乃足太陽之脈所發陽蹻附而行也又云癩癩瘰癧不知所苦兩蹻主之男陽女陰潔古老人云晝發取陽蹻申脈夜發取陰蹻照海先各灸二七壯陽蹻申脈穴在外踝下容爪甲白肉際陷中

陰蹻照海穴在足內踝下陷中是也後再與沉香天麻湯服三劑而痊愈方

沉香川烏 泡去皮 益智仁 各二錢 甘草 炙 殭蠶 各一錢 獨活 四錢 羌活 五錢 天

麻黑附子 泡去皮 半夏 泡 防風 各三錢 當歸 一錢五分 右十二味咬咀每服五

錢水二觔薑三片煎一觔温服食前忌生冷硬物寒處坐卧素問舉痛論云恐

則氣下精竭而上焦閉又曰從下上者引而去之以羌活獨活苦温味之薄者

陰中之陽引氣上行又入太陽之經爲引用故以爲君天麻防風辛温以散之

當歸甘草辛甘溫以補氣血不足又養胃氣故以爲臣黑附川烏益智大辛溫
行陽退陰又治客寒傷胃腎主五液入脾爲涎以生薑半夏燥溼化痰十劑云
重可去怯以沉香辛溫體重清氣去怯安神故以爲使氣味相合升陽補胃恐
怯之氣自得平矣

癘風刺法并治驗

內經曰脈風成癘又云風氣與太陽俱入行諸脈腠散於分肉之間衛氣相干
其道不利故使肉腫脹而有傷衛氣有所凝而不行故肥肉不仁也夫癘風者
有營衛熱腑其氣不清故使鼻柱壞而色敗皮膚瘍潰風寒客於脈不去名曰
癘風或名曰寒熱病大風之病骨節重眉髮墜名曰大風刺其肌肉故汗出百
日刺骨髓汗出百日凡二百日鬚眉生而止鍼按癘風者數刺其腫上以銳
鍼鍼其處按出其惡氣腫盡乃止當食方食無食他食戊寅歲正月段庫使
病大風滿面連頸極癢眉毛已脫落須以熱湯沃之則稍緩晝夜數次沃之砭

刺亦緩先師曰脈風者癘風也榮衛熱附其氣不清故使鼻柱壞皮膚色敗大風者風寒客於脈而不去治之當刺其腫上以銳鍼鍼其處按出其惡氣腫盡乃止當食方食無食他食宜以補氣瀉營湯治之此藥破血散熱升陽去癢瀉營辛溫散之甘溫升之以行陽明之經瀉心火補肺氣乃正治之方 升麻連翹各六分 桔梗五分 黃芩四分 生地黃四分 蘇木黃連黃芪全蠍各三分 人參白豆蔻各二分 甘草半份 地龍三分 桃仁三箇 蠨蟲去足翹三箇 胡桐淚研一分 麝香少許 當歸三分 水蛭三箇炒 煙盡 右十九味除連翹別剉胡桐淚研白豆蔻爲末麝香蠨蟲水蛭令爲末餘藥都作一服水二碗酒一觥入連翹同煎至一觥去粗再入胡桐淚白豆蔻麝香等再上火煎至七分稍熱服午後飯前服忌酒麪生冷硬物

氣虛頭痛治驗

柏參謀名德字仲實年六十一歲壬子年二月間患頭痛不可忍晝夜不得眠

郎中曹通甫邀予視之其人云近在燕京初患頭昏悶徹痛醫作傷寒解之汗
出後痛轉加復汗解病轉加而頭愈痛遂歸每過郡邑召醫用藥一同到今痛
甚不得安卧惡風寒而不喜飲食診其六脈弦細而微氣短而促語言而懶內
經云春氣者病在頭年高氣弱清氣不能上升頭面故昏悶此病本無表邪因
發汗過多清陽之氣愈虧損不能上榮亦不得外固所以頭苦痛而惡風寒氣
短弱而不喜食正用 順氣中和湯此藥升陽而補氣頭痛自愈方 黃芪一
錢五分 人參一錢 甘草 炙七分 白朮陳皮當歸白芍 各五分 升麻柴胡 各三分
細辛蔓荊子川芎 各二分 右咬咀作一服水二觥煎至一觥去粗溫服食後服
之一服減半再服全愈 內經曰陽氣者衛外而爲固也今年高氣弱又加發
汗衛外之氣愈損故以黃芪甘溫補衛實表爲君人參甘溫當歸辛溫補血氣
白芍酸寒收衛氣而爲臣白朮陳皮炙甘草苦甘溫養胃氣生發陽氣上實皮
毛肥腠理爲佐柴胡升麻苦平引少陽陽明之氣上升通百脈灌漑週身者也

川芎蔓荆子細辛辛溫體輕浮清利空竅爲使也明年春赴召之六盤山曹郎中以古風見贈云東垣李明之蚤以能醫鳴易水得奧訣爲竭黃金籤一燈靜室窮內經黃帝拊掌伯岐驚日儲月積不易售半世豈但三折肱所長用藥有活法舊方堆案白魚生君不聞李延同居且同病一年一汗俱得明旦平乃知古人一證有一方後世以方合證此理殊未明公心審者是誰子直以異己喧謗聲先生飲悞臥黃壤門生賴汝卓卓醫中英活人事業將與相一旦在已權非輕連年應召天策府廉臺草木皆欣榮好藏漆業青粘散莫使樊何獨擅名

面熱治驗并方

楊郎中之內五十一歲身體肥盛己酉春患頭目昏悶面赤熱多服清上藥不效請予治之診其脈洪大而有內經云面熱者足陽明病脈經云陽明氣盛有餘則身以前皆熱況其人素膏粱積熱於胃陽明多血多氣本實則氣熱上行諸陽皆會於頭故面熱之病生矣先以調胃承氣湯七錢黃連二錢犀角一

錢疎利三兩行徹其本熱次以升麻加黃連湯去經絡中風熱上行如此則標

本之病邪俱退矣 升麻葛根 各一錢 白芷 七分 甘草 炙 白芍 各五分 連苓 酒

製各四分 川芎生犀末 各三分 荆芥穗薄荷葉 各二分 黃芪 七分原本乃黑附

子今改正 右吹咀小半觥先浸川芎荆芥穗薄荷作一服水二觥半煎至一觥

半入先浸三味同煎至一觥食後溫服忌溼麪五辛之物

面寒治驗

真定府維摩院僧年六十餘體瘠弱初冬病頭面不耐寒氣弱不敢當風行諸
法不效予診其脈弦細而微且年高常食素茶果而已此陽明之經本虛脈經
云氣不足則身以前皆寒慄又加誦經文損氣由此胃氣虛經絡之氣亦虛不
能上達頭面故大惡風寒先以附子理中丸數服而溫其中氣次以升麻湯加
附子行其經絡方以升麻葛根 各一錢 白芷黃耆 各七分 甘草炙草豆蔻仁人
參 各五分 黑附子 泡七分 益智 三分 作一服連鬚慈白同煎數服良愈

升麻湯辨 或曰升麻湯加黃連治面熱加附子治面寒有何依據答曰出自仲景雲岐子注仲景傷寒論中辨葛根湯云尺寸脈俱長者陽明經受病也當二三日發以其脈夾鼻絡目故身熱目疼鼻乾不得卧此陽明經受病也治於鼻交頰中從頭至足行身之前爲表之裏陽明經標熱本實從標脈浮而長從本脈沉而實陽明爲病主蒸蒸而熱不惡寒身熱爲標陽明本實者胃中燥鼻乾目疼爲肌肉之本者兀兀而熱陽明禁不可發汗在本者不禁下發之則變黃證太陽主表營衛是也營衛之下肌肉屬陽明二陽併病葛根湯主之衛者桂枝營者麻黃營衛之中桂枝麻黃各半湯營衛之下肌肉之分者葛根主之又名解肌湯故陽明爲肌肉之本非專於發汗止汗之治桂枝麻黃兩方互併爲一方加葛根者便作葛根湯故營衛肌肉之次也桂枝芍藥甘草生薑大棗止汗麻黃桂枝甘草生薑發汗葛根味薄獨加一味非發汗止汗從葛根以解肌故名葛根湯錢仲陽制升麻湯治傷寒溫疫風熱壯熱頭痛體痛瘡疹已發

未發用葛根爲君升麻爲佐甘草芍藥安其中氣朱奉議活人書將升麻湯列爲陽明經解若子診楊氏婦陽明標本俱實先攻其裏後瀉經絡中風熱故升麻湯加黃連以寒治熱也尼長老陽明標本俱虛寒先實其裏次行經絡升麻湯加附子以熱治寒也仲景羣方之祖信哉

陰出乘陽治法

一婦人三十餘歲憂思不已飲食失節脾胃有傷面色黧黑不澤環唇尤甚心懸如飢狀飢不欲食氣短而促大抵心肺在上行營衛而光於外宜顯而不藏肝腎在下養筋骨而強於內當隱而不見脾胃在中主傳化精微以灌四旁沖和而不息其氣一傷則四臟失所憂思不已氣結而不行飲食失節氣耗而不足使陰氣上溢於陽中故黑色見於面又經云脾氣通於口其華在唇今水反侮土故黑色見於唇此陰陽相反病之逆也上古天真論云陽明脈衰於上面始焦始知陽明之氣不足故用沖和順氣湯此藥助陽明發之劑以復其色耳

方 葛根 一錢 升麻防風白芷 各一錢 黃芪 八分 人參 七分 甘草 四分 芍藥蒼
朮 各三分 右咬咀作一服水二饅薑三片棗二枚煎至一饅去滓溫服早飯後
午飯前取天氣上升之時使人之陽氣易健故也數服而愈 內經曰上氣不
足推而揚之以升麻苦平葛根甘溫自地升天通行陽明之氣爲君人之氣以
天地之疾風名之氣留而不行者以辛散之防風辛溫白芷甘溫以散滯氣用
以爲臣蒼朮苦辛蠲除陽明經之寒溼白芍藥之酸安太陰經之怯弱十劑云
補可去弱人參羊肉之屬是也人參黃芪甘草甘溫益正氣以爲臣至真要大
論云辛甘發散爲陽生薑辛熱大棗甘溫和營衛腠理致津液以復其陽氣故
以爲使也

盛則爲喘治驗

己未歲初秋越三日奉召至六盤山至八月中霖雨不次時承上命治不鄰吉
旣元帥夫人年踰五十身體肥盛因飲酒吃潼乳過度遂病腹脹喘滿聲聞舍

外不得安卧大小便澀滯氣口脈大兩倍於人迎關脈沉緩而有力予思霖雨之溼飲食之熱溼熱大盛上攻於肺神氣躁亂故爲喘滿邪氣盛則實實者宜下之故制平氣散以下之青皮去白枳榔各三錢大黃七錢陳皮去白五錢白牽牛二兩半生半炒去頭末一半右爲末每服三錢煎生薑湯一椀調下初時

一服減半再服喘愈止有胸膈不利煩熱口乾時時咳嗽以加減瀉白散治之內經曰肺苦氣上逆急食苦以瀉之故用牽牛苦寒瀉氣分溼熱上攻喘滿故以爲君陳皮苦溫體輕浮理肺氣青皮苦辛平散肺中滯氣故以爲臣枳榔辛溫性沉重下痰降氣大黃苦寒蕩滌滿實故以爲使也加減瀉白散方桑皮

一兩地骨皮知母陳皮桔梗各五錢青皮去白甘草炙黃芩各三錢右咀咀每

服五錢水二椀煎至一椀去滓食後溫服數服良愈華陀云盛則爲喘減則爲枯活人書云發喘者氣有餘也凡看文字須要曉會得本意且盛而爲喘者非肺氣盛也喘爲氣有餘者亦非肺氣有餘也氣盛當認作氣衰有餘當認作

不足肺氣果盛又謂有餘當清肅下行而不喘以火入於肺衰與不足而爲喘
焉故言盛者非言肺氣盛也言肺中之火盛言有餘者非言肺氣有餘也言肺
中之火有餘也故瀉肺用苦寒之劑者非瀉肺也瀉肺中之火實補肺氣也用
者不可不知

生津甘露飲子

治膈消大渴飲水無度舌上赤澀上下齒皆麻舌根強硬腫痛食不下腹時脹
滿疼痛渾身色黃目白睛黃甚則四肢痿弱無力面塵脫色脇下急痛善噎善
怒健忘腎肉腰背疼寒兩丸冷甚順德安撫張耕夫年四十五歲病消渴舌上
赤裂飲水無度小便數多先師以此藥治之旬日愈古云消渴多傳瘡瘍以成
不救之疾既效亦不傳瘡瘍享年七十五歲終名之曰生津甘露飲子方

人
參 二錢 山梔子 二錢 石膏 二錢半 一方作一兩一錢 甘草 炙 知母 酒洗 薑黃 升

麻 各二錢 白芷 白豆蔻 華澄茄 甘草 生各一錢 白葵 蘭香 當歸 麥冬 各五分 黃

藥酒拌二錢半 連翹 一錢 杏仁 一錢半 木香黃連柴胡 各二分 桔梗 三錢 全蝎

一箇 藿香 二分 右爲末湯浸蒸餅和成劑捻作餅子曬半乾杵篩如米大食後

每服二錢抄在掌內以舌舐之隨津嚥下或白湯少許送亦可此治制之緩也
不惟不成中滿亦不傳爲瘡瘍下消矣論曰消之爲病燥熱之氣盛也內經曰
熱淫所勝佐以甘苦以甘瀉之熱則傷氣氣傷則無潤折熱補氣非甘寒之劑
不能故以石膏甘草之甘寒爲君啟玄子云滋水之源以鎮陽光故以黃連黃
蘗梔子知母之苦寒瀉熱補水爲臣以當歸麥門冬杏仁全蝎連翹白芷白葵
蘭香甘辛寒和血潤燥爲佐以升麻柴胡苦平行陽明少陽二經白豆蔻木香
藿香葶澄茄反佐以取之固用桔梗爲舟楫使浮而不下也東垣先生嘗爲予
曰潔古老人有云能食而渴者白虎倍人參大作湯劑多服之不能食而渴者
錢氏白朮散倍加葛根大作湯劑廣服之

膽疸治驗

內經云有病口苦名曰膽瘴乃肝主謀慮膽主決斷盛汗三合爲清淨之府肝取決於膽或不決爲之患怒怒則氣逆膽汁上溢故口苦或熱甚使然也主之以龍膽瀉肝湯方 黃芩 七分 柴胡 一錢 甘草 生 人參 天冬 黃連 知母 龍膽 草 山梔子 麥冬 各五分 五味子 十粒 右以咀作一服水二饑煎至一饑去滓溫服食遠忌辛熱物此方因焦秀才病口苦予制此方服之甚效

汗之則瘡已

丁巳歲予從軍迴住冬於曹州界以事至州有趙同知謂予曰家舅牛經歷病頭面赤腫耳前後尤甚疼痛不可忍發熱惡寒牙關緊急涕唾稠粘飲食難下不得安卧一瘍醫於腫上砭刺四五百餘針腫赤不減其痛益甚不知所由然願請君一見予遂往診視其脈浮緊按之洪緩此症乃寒覆皮毛鬱遏經絡熱不得升聚而赤腫經云天寒則地凍水冰人氣在身中皮膚緻密腠理閉汗不出血氣強肉堅濇當此之時善行水者不能往冰善穿地者不能鑿凍善用針

者亦不得取四時必待天溫冰釋凍解而後水可行地可穿人脈亦猶是也又云冬月閉藏用藥多而少針石也宜以苦溫之劑溫經散寒則已所謂寒繳腠理以苦發之以辛散之宜以託裏溫經湯麻黃苦溫發之者也故以爲君防風辛溫散之者也升麻苦辛葛根甘平解肌出汗專治陽明經中之邪故以爲臣血留而不行者則痛以香白芷辛溫當歸辛溫以和血散滯溼熱則腫蒼朮者甘溫體輕浮力雄壯能泄膚腠間溼熱人參甘草甘溫白芍藥酸微寒調中益氣使託其裏故以爲佐依方餌之以薄衣覆其首以厚被覆其身卧於暖處使經血溫腠理開寒乃散陽氣升而大汗出後腫減八九分再服去麻黃防風加連翹黍粘子腫痛悉去經言汗之則瘡已信哉斯言或人以仲景言瘡腫作身疼痛不可發汗其理何也予曰此說乃營氣不從逆於肉理而爲瘡腫作身疼痛非外感寒邪而作疼痛故戒之以不可發汗如汗之則成瘻也又問仲聖言鼻衄者不可發汗復言脈浮緊者當以麻黃湯發之衄血自止所說不同其故

何也願聞其詳予曰此議論正與瘡家槩同且夫人身血之與汗異名而同類奪汗者無血奪血者無汗今衄血妄行爲熱所迫更發其汗反助邪熱重竭津液必變凶症故不可汗若脈浮則爲在表脈緊則爲寒寒邪鬱遏陽不得伸熱伏營中迫血妄行上出於鼻則當麻黃湯散其寒邪使陽氣得舒其衄自止又何疑焉或者歎曰知其要者一言而終不知其要流散無窮潔古之學可謂知其要者矣託裏溫經湯治寒覆皮毛鬱遏經絡不得伸越熱伏營中聚而爲赤腹痛不可忍惡寒發熱或咽引肢體疼痛方 人參蒼朮 各一錢 白芍藥甘草 炙各一錢 白芷當歸身麻黃 去節根各二錢 防風葛根 各三錢 升麻 四錢 右咬咀每服一兩重水三觔先煎麻黃令沸去沫下餘藥煎至一觔去滓溫服臥於溫處以棉衣覆之得汗而散

凡治病必察其下

戊午冬予從軍任冬於武縣有賈倉使父年踰六旬冬至後數日疽發於背五

七日腫勢約七寸許不任其痛瘍醫視之曰膿已成可開發矣公懼不從越三日醫曰不開恐變症生矣遂以燔針開之膿泄痛減以開遲之故迨二日變症果生覺重如負石熱如燭火痛楚倍常六脈沈數按之有力此膏粱積熱之變也邪氣酷熱固宜以寒藥治之時月嚴凝復有用寒遠寒之戒乃思內經云有假者反之雖違其時以從其症可也與瘍醫議急作清涼散飲之加黃連一兩五錢作一服服之利下兩行痛減七分翌日復進前藥其症悉除後月餘平復又陳錄判母年七十餘亦冬至後腦出疽形可甌面大命瘍醫診視瘡熱以針出膿因怒咎侍妾瘡輒內陷凹一韭葉許面色青黃不澤四肢逆冷汗出身清時復嘔吐脈極沉細而遲蓋緣衰老之年嚴寒之時病中苦楚飲食淡薄已滌脆膿之氣獨存痠瘁之形加之暴怒精神愈損故有此寒變也病與時同與瘍醫議速制五香湯一劑加丁香附子各五錢劑盡瘡大發隨症調治而愈內經曰凡治病必察其下謂察時下之宜也諸痛瘍皆屬心火言其常也如瘡盛形

羸邪高痛下始熱終寒此反常也固當察時下之宜而權治故曰經者常也法者用也醫者意也隨所宜而治之可收十全之功矣

胃脘當心而痛治驗

兩浙江淮都漕運使崔君長男雲卿年二十有五體本豐肥奉養膏粱時有熱症友人勸食寒冷物及服寒涼藥於至元庚辰秋病瘧久不除醫以砒霜等藥治之新汲水送下禁食熱物瘧病不除反添吐利脾胃復傷中氣愈虛腹痛腸鳴時復胃脘當心而痛不任其苦屢易醫藥未嘗有效至冬還家百般治療而不差延至四月間因勞役煩惱過度前症大作請予治之具說其由診得脈弦細而微手足稍冷面色青黃而不澤情思不樂惡人煩冗飲食減少微飽則心下痞悶嘔吐酸水發作疼痛冷汗時出氣促悶亂不安須人額相低而坐少時易之予思內經云中氣不足溲便爲之變腸爲之苦鳴下氣不足則爲痿厥心挽又曰寒氣客於腸胃之間則卒然而痛得炆則已炆者熱也非甘溫大熱之

劑則不能愈遂制一方名之曰扶陽助胃湯方
乾薑泡一錢半 揀參草豆蔻

仁甘草炙 官桂白芍藥各一錢 陳皮白朮吳茱萸各五分 黑附子泡去皮二錢

益智仁五分一作一錢 右吹咀作一服水三饑生薑三片大棗二枚煎至一饑

去滓食前溫服三服大勢皆去痛減過半至秋先灸中脘三七壯以助胃氣次

灸氣海百餘壯生發元氣滋榮百脈以還少丹服之則喜飲食添肥肉潤皮膚

明年春再灸三里二七壯乃胃之合穴也亦助胃氣又引氣下行再以芳香助

脾復以育氣湯加白檀香平治之戒以懲忿窒欲慎言語節飲食一年而平復

內經云寒淫於內治以辛熱佐以苦溫附子乾薑大辛熱溫中散寒故以為君

草豆蔻益智仁辛甘大熱治寒邪犯胃為佐脾不足者以甘補之炙甘草甘溫

白朮橘皮苦溫補脾養氣水挾木勢亦來侮土故作急痛桂辛熱以退寒水芍

藥味酸以瀉木尅土吳茱萸苦熱洩厥氣上逆於胸中以為使也

養正積自除

眞定王君用年一十九歲病積臍左連脇如覆杯腹脹如鼓多青絡脈喘不得
卧時值暑雨加之自利完穀日晡潮熱夜有盜汗以危急求子往視之脈得浮
數按之有力謂病家曰凡治積非有毒之劑攻之則不可今脈虛弱如此豈敢
以常法治之遂投分滲益胃之劑數服而清便自調雜以升降陰陽進食和氣
而腹大減胃氣稍平間以削之不月餘良愈先師嘗曰潔古老人有云養正積
自除譬之滿座皆君子縱有一小人自無容地而出今令正氣實胃氣強積自
消矣潔古之言豈欺我哉內經云大積大聚衰其大半而止滿實中有積氣大
毒之劑尙不可過況虛中有積者乎此亦治積之一端也邪正虛實宜精審焉

腹中積聚方

眞定路惠民司令張君傳礪砂煎丸香稜丸木香礪砂煎丸三方多效礪砂煎
丸消磨積塊痞癖一切凝滯老人虛人無妨方 礪砂 三錢 黑附子 二枚各重
五錢半已上正坐妥者泡去皮臍劑作蠶 木香 三錢 破故紙 紙箱內炒 葶撥 直

者各一兩 右將礶砂用水一饒續續化開於瓮內熬乾爲末安在附子瓮內卻

用剗出附子末蓋口用和成白麪裹約半指厚慢灰火內燒勻黃色去麪同木

香等藥爲細末卻用先裏附子熟黃麪爲末醋調煮糊丸桐子大每服十五丸

至三十丸生薑湯送下此藥累有神功仙方仙稜丸破痰癖消癥塊及冷熱積

方 木香丁香 各五錢 三稜 切酒浸一宿 青皮 去白 枳殼 麩炒 川棟子 茴香 炒

各一兩 廣茂 一兩切酒浸一宿將 三稜廣茂 同去皮 巴豆 三十粒同炒巴豆黃

色去巴豆不用 右爲末醋糊丸如桐子大硃砂爲衣每服二十九粒炒生薑鹽湯

下溫酒亦可食後日進三服木香礶砂煎丸治婦人消痞癖積聚血塊刺痛脾

胃虛寒宿食不消久不差者方 木香礶砂官桂附子 泡 乾漆 炒去烟 猪牙皂

角細辛乳香 研 京三稜 泡 廣茂 泡 大黃 炒令爲末 沒藥 研 乾薑 泡 青皮 各一兩

巴豆霜 半兩 右除研藥外同爲末以好醋一升化開礶砂去滓腳銀石器中慢

火熬次下巴豆霜大黃末熬成膏將前藥末膏內和丸如桐子大每服三五十

丸食後溫酒送下

胃氣爲本

至元戊寅五月間霖霪積雨不止魯齋許平仲先生時五十有八歲而目肢體浮腫大便溏多腹脹腸鳴時痛飲食減少命予治之脈浮弦細而緩先生曰年壯時多曾服牽牛大黃藥而目四肢時有浮腫今因陰雨故大發予曰營運之氣出自中焦中焦者胃也胃氣弱不能布散水穀之氣榮養藏府經絡皮毛氣行而澀爲浮腫大便溏多而腹脹腸鳴皆溼氣勝也四時五藏皆以胃氣爲本五藏有胃氣則和平而身安若胃氣虛弱不能運動滋養五藏則五藏脈不平本藏之氣盛者其脈獨見輕則病甚過則必死故經曰真藏之脈弦無胃氣則死先生之疾幸而未至於甚尙可調補人知服牽牛大黃爲一時之快不知其爲終身之害也遂用平胃散加白朮茯苓草豆蔻仁數服而腹脹溏瀉腸鳴時痛皆愈飲食進止有肢體浮腫以導滯通經湯治之良愈導滯通經湯治脾

溼有餘及氣不宣通面目手足浮腫方 木香白朮桑白皮陳皮 各五錢 茯苓

去皮一兩 右咬咀各服五錢水二饅煎至一饅去滓空心食前溫服內經曰溼

淫所勝平以苦熱以苦燥之以淡泄之陳皮苦溫理肺氣去氣滯故以為君桑

白皮甘寒去肺中水氣水腫臃脹利水道故以為佐木香苦辛溫除肺中滯氣

白朮甘苦溫能除溼和中以苦燥之白茯苓甘平能止渴除溼利小便以淡泄

之故以為使焉

穀瘴治驗

顏正卿丙寅二月間因官事勞役飲食不節心火乘脾脾氣虛弱又以恚怒氣
逆傷肝心下痞滿四肢困倦身體麻木次傳身目俱黃微見青色顏黑心神煩
亂怔忡不安兀兀欲吐口生惡味飲食遲化時下完穀小便癰閉而赤黑辰巳
間發熱日暮則止至四月尤盛其子以危急求予治之具說其事診其脈浮而
緩金匱要略云寸口脈浮為風緩為痺痺非中風四肢苦煩脾包必黃痰熱以

行跌陽緊爲傷脾風寒相搏食穀卽眩穀氣不消胃中苦濁濁氣下流小便不通陰被其寒熱流膀胱身體盡黃名曰穀疸宜以茯苓梔子茵陳湯主之方

茵陳 一錢 茯苓 去皮五分 梔子仁 蒼朮 去皮炒 白朮 各三錢 黃芩 生六分 黃連

去鬚 枳實 麩炒 猪苓 去皮 澤瀉 陳皮 漢防己 各二分 青皮 去白一分 右咬咀作

一服用長流水三饅煎至一饅去滓食前溫服一服減半二服良愈內經云熱淫於內治以鹹寒佐以苦甘又淫化於火熱反勝之治以苦寒以苦泄之以淡滲之以梔子茵陳苦寒能瀉溼熱而退其黃故以爲君難經云苦主心下滿以黃連枳實苦寒泄心下痞滿肺主氣今熱傷氣故身體麻木以黃芩苦寒瀉火補氣故以爲臣二朮苦甘溫青皮苦辛溫能除胃中溼熱泄其壅滯養其正氣漢防己苦寒能去十二經留溼澤瀉鹹平茯苓猪苓甘平導膀胱中溼熱利小便而去癰閉也

疝氣治驗

癸丑歲奉詔至六盤山上命治火兒赤紐鄰久病疝氣復因七月間飢飽勞役過飲滯乳所發甚如初面色青黃不澤臍腹陣痛搖撮不可忍腰曲不能伸熱物熨之稍緩脈得細小而急予思難經云任之爲病男子內結七疝皆積寒於小腸之間所致也非大熱之劑則不能愈遂制一方名之曰沈香桂附丸治中氣虛弱脾胃虛寒飲食不美氣不調和退陰助陽藏府積冷心腹疼痛脇肋膨脹腹中雷鳴面色不澤手足厥冷便利無度又治下焦陽虛及療七疝痛引小腹不可忍腰曲不能伸喜熱熨稍緩方 沈香附子 泡去皮臍 川烏 泡去皮臍 切作小塊 乾薑良薑 炒 茴香 炒 官桂吳茱萸 各一兩湯泡去苦 右爲末醋丸如桐子大每服五七十丸空心食前熱米飲湯送下溫酒吞下亦可日二服忌冷物閒服

陰陽皆虛灸之所宜

至元己亥廉臺王千戶年四十有五領兵鎮漣水此地卑溼因勞役過度飲食

失節至秋深瘧痢並作月餘不愈飲食全減形容羸瘦乘馬輻以歸時已仲冬
求予治之具陳其由診得脈弦細而微如蛛絲身體沈重手足寒逆時復麻痺
皮膚痲疥如癘風之狀無力以動心腹痞滿嘔逆不止此皆寒溼爲病久淹眞
氣衰弱形氣不足病氣亦不足陰陽皆不足也鍼經云陰陽皆虛針所不爲灸
之所宜內經曰損者益之勞者溫之十劑云補可去弱先以理中湯加附子溫
養脾胃散寒溼瀼可去脫養藏湯加附子固腸胃止瀉痢仍灸諸穴以併除之
經云府會太倉卽中腕也先灸五七壯以溫養脾胃之氣進美飲食次灸氣海
百壯生發元氣洪榮百脈充實肌肉復灸足三里胃之合也三七壯引陽氣下
交陰分亦助胃氣後灸陽輔二七壯接續陽氣令足脛溫暖散清溼之邪迨月
餘病氣去漸平復今累遷侍衛親軍都指揮使精神不減壯年

結陰便血治驗

眞定總管史侯男十哥年四十有二肢體本弱瘦於至元辛巳因收秋租佃人

致酒味酸不欲飲勉飲三兩杯少時腹痛次傳泄瀉無度日十餘行越十日便
後見血紅紫之類腸鳴腹痛求醫治之曰諸見血皆以為熱用芍藥柏皮丸治
之不愈仍不欲食食則嘔酸形體愈瘦面色青黃不澤心下痞惡冷氣口乾時
有煩躁不得安卧請予治之具說其由診得脈弦細而微遲手足稍冷內經云
結陰者便血一升再結二升三結三升經云邪在五藏則陰脈不和陰脈不和
則血留之結陰之病陰氣內結不得外行無所稟滲入腸間故便血也宜以平
胃地榆湯治之方 蒼朮 一錢 升麻 一錢 黑附子 范一錢 地榆 七分 陳皮厚朴
白朮乾薑白茯苓葛根 各五分 甘草 炙 益智仁人參當歸神麩 炒 白芍藥 各三
分 右共十六味作一服水二觔生薑三片大棗二枚煎至一觔去滓食前溫服
此藥溫中散寒除溼和胃服之數劑病減大半仍灸中脘三七壯乃胃募穴引
胃上升滋榮百脈次灸氣海百餘壯生發元氣灸則強食生肌又以還少丹服
之則喜飲食添肌肉至春再灸三里二七壯壯脾溫胃生發元氣此穴乃胃之

合穴也改服芳香之劑戒以慎言語節飲食良愈

葱熨法治驗

眞定一秀才年三十有一肌體本弱左脇下有積氣不敢食冷物得寒則痛或嘔吐清水眩暈欲倒目不敢開惡人煩冗靜臥一二日及服辛熱之劑則病退延至甲戌初秋因勞役及食冷物其病大作腹痛不止冷汗自出四肢厥冷口鼻氣亦冷面色青黃不澤全不得卧扶几而坐又兼咳嗽咽膈不利故內經云寒氣客於小腸膜原之間絡血之中血泣不得注於大經血氣稽留不得行故宿食而成積矣又寒氣客於腸胃厥逆上出故痛而嘔也諸寒在內作痛得炷則痛立止予與藥服之藥不得入見藥則吐無如之何治之遂以熟艾約半觔白紙一張鋪於腹上紙上攤艾令勻又以葱葢數枝批作兩半鋪於熟艾上數重再用白紙一張覆之以慢火熨斗熨之冷則易之若覺腹中熱腹皮暖不禁以繇三襜多縫帶繫之待冷時方解初熨時得暖則痛減大暖則痛止至夜得

睡翌日再與對症藥服之良愈故錄此熨法以救將來之痛也

中暑霍亂吐利治驗

提學侍其公年七十九歲至元丙寅六月初四日中暑毒霍亂吐利昏冒終日不省人事時夜方半請予治之診其脈洪大而有方一息七八至頭熱如火足寒如冰半身不遂牙關緊急予思內經五亂篇中云清氣在陰濁氣在陽營氣順脈胃氣逆行亂於胸中是謂大惋云云亂於腸胃則爲霍亂是霍亂之名自此而生蓋因年高氣弱不任暑氣陽不維陰則瀉陰不維陽則吐陰陽不相維則既吐且瀉矣前賢見寒多以理中丸熱多以五苓散爲定法治之今暑氣極盛陽明得時沉因動而得之中喝明矣非甘辛大寒之劑則不能瀉其暑熱墮浮溜之火而安神明也遂以甘露散甘辛大寒瀉熱補氣加白茯苓以分陰陽約重一兩冰水調灌漸漸省事而諸症悉去後慎言語節飲食三日以參朮調中湯之劑增減服之理正氣十日後方平復

內傷霍亂治驗

戊午春襄陽迴住夏曹州界有蒙古百戶昔良海因食酒肉飲潼乳得霍亂吐瀉從朝至午精神昏慣以困急請予往視之脈得浮數按之無力所傷之物已出矣卽以新汲水半碗調桂苓白朮散徐徐服之稍安又於牆陰掘地一穴約二尺許貯以新汲水在內攪動待一時澄定名曰地漿用清者一饑再調服之漸漸氣調吐利遂止至夜安眠翌日微燥渴卻以錢氏白朮散時時服之良愈或問用地漿者何也予曰坤爲地地屬陰土平曰靜順感至陰之氣又以牆陰貯以新水取重陰之氣也陰中之陰能瀉陽中之陽今霍亂因暑熱內傷而得之故痺論云陰氣者靜則神藏躁則消亡又加以暑熱七神迷亂非至陰之氣則不愈予用之者此也或曰內經福萬世之書豈不信然桂苓白朮散治冒暑飲食所傷傳變溼內盛霍亂吐瀉轉筋急痛腹滿悶小兒吐瀉驚風宜服方

茯苓

去皮

白朮

官桂

甘草

澤瀉

石膏

各半兩
各一兩
滑石二兩
寒水石一兩
右

入味其爲末熱湯調下三錢喜冷新水調薑湯亦得小兒服一錢水可
瘧瘧治驗

燕南河北道提刑按察司書吏高上謙年逾四十至元戊寅七月間暑氣未退
因官事出外勞役又因過飲午後大發熱而渴冰水不能解其病早晨稍輕減
服藥不效召予治之診其脈弦數金匱要略云瘧脈自弦弦數者多熱瘧論曰
瘧瘧脈數素有熱氣盛於身厥逆上衝中氣實而不外泄因有所用力腠理開
風寒舍於皮膚之內分肉之間而發發則陽氣盛而不衰則病矣其氣不及於
寒故但熱而不寒者邪氣內藏於裏而外舍於分肉之間令人消爍肌肉故名
曰瘧瘧月令云孟秋行夏令人多瘧瘧潔古云動而得之名中暍以白虎加梔
子湯治之士謙遠行勞役又暑氣有傷酒熱相搏午後時助故大熱而渴如在
甌中先以柴胡飲子一兩下之後以白虎加梔子湯每服一兩數服而愈征南
副帥大忒木兒已未奉勅立息州其地卑溼軍多病瘧痢予合辰砂丹白朮安

胃散多痊效辰砂丹治瘧疾大有神效方 硃砂 一半入藥 一半爲衣 信砒雄

黃 各五錢 右三味爲末入白麪六錢同研勻酒水成丸如桐子大硃砂爲衣每

服一丸星宿全時用無根水送下忌溼麪熱物

結陰丹等方

治腸風藏毒下血諸大便秘疾已下三方傳之於諸路醫學提舉忽吉甫用之

神效方 枳殼 麩炒 黃芪 威靈仙 陳皮 去白 何首烏 荆芥 穗椿根 白皮 各等分

右爲末酒糊丸如桐子大每服五七十九丸陳米飲入醋少許再煎一二沸放溫

送下平明服之空腹服之亦妙淋瀝威靈仙散治痔漏大腸頭痒痛或腫滿

威靈仙 枳殼 麩炒 各等分 右爲粗末每用一兩水一碗半煎至一碗去滓薰洗

冷可暖避風洗三次輒帛揩乾傅蒲黃散蒲黃散治下部痔漏 蒲黃 一兩 血

竭 半兩 右爲細末每用少許敷患處又附

椿皮散 專治血痢及腸風下血此方李舜卿教授傳累用有效椿皮 三兩

槐角子 四兩 明白礬 二兩 甘草 一兩五錢 右爲末每服三錢熱米飲調下神驗

中氣不足治驗

佚庵劉尚書第五子太常少卿叔謙之內李氏中統三年春欲歸寧父母不得情動於中又因勞役四肢困倦躁熱惡寒時作疼痛不欲飲食卽嘔吐氣弱短促怠惰嗜卧醫作傷寒治之解表發汗次日傳變又以大小柴胡之類治之至十餘日之後病證愈劇病家云前藥無效莫非他病否醫曰此傷寒六經傳變至再經傳盡當得汗而愈翌日見介甲微青黑色足脛至腰如冰冷目上視而視不轉睛咽嗑不利小腹冷氣上衝心而痛嘔吐不止氣息欲絕召予治之子診其脈沉細而微不見傷寒之證此乃中氣不足妄作傷寒治也發表攻裏中氣愈損壞證明矣太夫人泣下避席曰病固危困君盡心救治予以辛熱之藥咬咀一兩作一服至夜藥熟而不能飲續續灌下一口飲至半夜有呻吟之聲身體漸溫忽索粥飲至旦食粥兩次又煎一服投之至日高眾醫皆至診之曰

脈生證回矣眾喜而退後越三日太夫人曰病人大便不利或以用脾約丸潤之可乎予曰前證用大辛熱之劑陽生陰退而愈若以大黃之劑下恐寒不協轉生他證眾以爲不然遂用脾約丸二十九丸潤之至夜下利兩行翌日面色微青精神困弱嘔吐復作予再以辛熱前藥溫之而愈矣故名曰溫中益氣湯方

附子

泡去臍皮

乾薑

泡各五錢

草豆蔻甘草

各三錢

益智仁白芍藥丁香

藿香白朮

各二錢

人參陳皮吳茱萸

各一錢五分

當歸一錢

右十三味咬咀每

服五錢水二觥煎至一觥去滓溫服食前病勢大者服一兩重○論曰內經云寒淫於內治以辛熱佐以苦甘溫附子乾薑大辛熱助陽退陰故以爲君丁香藿香豆蔻益智茱萸辛熱溫中止吐用以爲臣人參當歸白朮陳皮白芍藥炙甘草苦甘溫補中益氣和血脈協力用以爲佐使矣

通經丸

治婦人蓄血月水不調疼痛或成血瘕方 桂心川烏桃仁當歸廣茂 泡 乾薑

泡川椒炒出汗 大黃煨 青皮去白各等分 右爲末每一兩以四錢用米醋熬成

膏將其餘藥末六錢入臼中杵千下可丸則丸如桐子大每服二十九淡醋湯送下加至三十九丸温酒亦得一婦人血滯氣凝疼痛數服便效

生地黃丸

至元巳亥一尼患惡風體倦乍寒乍熱面赤心煩怔忡或時自汗是時疫氣大行醫見其寒熱作傷寒治之用大小柴胡湯雜進數日病急召予治之診視之曰三部無寒邪脈但厥陰弦長而上魚際宜服抑陰等藥治之故予製此方

生地黃

二兩

柴胡 秦艽 黃芩

各半兩

芍藥

一兩

右爲細末蜜丸如桐子大每服

三十丸用烏梅湯吞下日三服不拘時

一書作許學士治案

熱入血室證治并方

巳亥六月一婦人病傷寒寒熱遇夜則見鬼狀所患六七日忽然氣塞涎響如

引鋸牙關緊急瞑目不知人病勢危困召予視之曰得病之初曾值月經來否其家云經水方來而病作而經遂止得一二日發寒熱晝雖靜而夜有鬼祟從昨日來不省人事予曰此乃熱入血室證仲景云婦人中風發熱惡寒經水適來晝則明了暮則譫語如見鬼狀發作有時此名熱入血室予製以小柴胡湯加生地黃三服而熱除不汗而自解矣又一婦人患熱入血室證醫者不識用補血調氣方藥治之數日遂成血結胸或勸用前藥予曰小柴胡用已遲不可行也無已則有一焉可刺期門而已予不能鍼延善鍼者治之如言而愈或者問熱入血室何爲而成結胸也予曰邪氣傳入經絡與正氣相搏上下流行遇經水適來適斷邪氣乘虛入於血室血爲邪所迫上入肝經肝受邪則譫語而見鬼復入臆中則血結於胸中何以言之婦人平居水養木血養肝方不受孕則下之以爲月水旣姪則中蓄之以養胎及已產則上壅之以爲乳汁皆一血也今邪逐血併歸於肝經聚於臆中結於乳下故手觸之則痛非藥可及故當

刺期門也小柴胡加地黃湯亦治產後惡露方來忽然斷絕活人書海蛤散亦

治錄於後方 柴胡一兩 人參半夏黃芩甘草 炙生地黃 各七錢 右咬咀每服

五錢水二觥生薑二片棗子一枚煎至一觥去滓溫服不拘時

海蛤散 治婦人傷寒血結胸膈按之痛手不可近海蛤滑石甘草 各一兩 芒

硝 半兩 右爲末每服二錢雞子青調下小便利血數行更與桂枝紅花湯發其

汗則愈

淋痛治驗

參苓琥珀湯中統三年六月中黃明之小便淋莖中痛不可忍相引脇下痛制

此服之大效方 人參 五分 茯苓 去皮四分 川棟子 去核剉炒一錢 琥珀 三分

生甘草 一錢 玄胡索 七分 澤瀉柴胡 各三分 當歸稍 三分 右九味咬咀作一服

用長流水三觥煎至一觥去滓空心食前溫服 水芝丸方治下焦真氣虛弱

小便頻多日夜無度此方得之於高麗國王 蓮鬚 去皮不以多先以好酒浸一二宿用猪肚一箇卻將

酒浸蓮鬚實入在內用水煮熟取出
將蓮鬚實切開於火上焙乾秤用

右爲末醋糊丸如雞豆大每服五十九空

心溫酒送下小便數而欠中書右丞合刺合孫病小便數而欠日夜約去二十
餘行臍腹脹滿腳腰沉重不能安卧至元癸未季春下旬一奉 聖旨治之遂
往診視脈得沉緩時時帶數嘗記小便不利者有三不可一概而論邪若津液
偏送於腸胃大便泄瀉而小便澀少一也宜分利而已若熱搏下焦津液則熱
鬱而不行二也必滲泄則愈若脾胃氣澀不能通利水道下輸膀胱而化者三
也可順氣令施化而出也今右丞平素膏粱溼熱內蓄不得施化膀胱竅澀是
以起數而見少也非滲泄分利則不能快利遂處一方名曰茯苓琥珀湯內經
曰甘緩而淡滲熱搏津液內蓄臍腹脹滿當以緩之泄之必以分利爲主是以
茯苓爲君滑石甘寒滑以利竅猪苓琥珀之淡以滲泄而利水道故用三味爲
臣脾惡溼溼氣內蓄則脾氣不治益脾勝溼必用甘爲助故以甘草白朮爲佐
鹹入腎鹹味下泄爲陰澤瀉之鹹以瀉伏水腎惡燥急食辛以潤之津液不行

以辛散之桂枝味辛散溼潤燥此爲引用故以二物爲使煎用長流甘瀾水使

不助其腎氣大作湯劑令直達於下而急速也兩服減半旬日良愈方亦茯苓

去皮琥珀各半兩 白朮五錢 澤瀉一兩 滑石七錢 木猪苓半兩 去皮甘草炙桂

枝 去皮各三錢 右爲末每服五錢用長流甘瀾水煎空心調下待少時以美膳

壓之

臍脹治驗而由今古平素膏粱嗜煎內蓄不舒厥少熱潮熱且

范郎中夫人中統五年八月二十日先因勞役飲食失節加之憂思氣結病心

腹脹滿且食則嘔暮不能食兩脇刺痛診其脈弦而細黃帝鍼經五亂篇云清

氣在陰濁氣在陽亂於胸中是以大悞內經云清氣在下則生飧泄濁氣在上

則生臍脹此陰陽返作病之逆從也至夜濁陰之氣當降而不降臍脹尤甚又

云藏寒生滿病大抵陽主運化飲食倦勞損傷脾胃陽氣不能運化精微聚而

不散故爲脹滿先灸中脘穴乃胃之募引胃中生發之氣上行次處木香順氣

湯治之方 蒼朮吳茱萸 泡各五分 木香厚朴 姜製 陳皮薑屑 各三分 當歸益

智仁白茯苓 去皮 澤瀉柴胡青皮半夏 泡 升麻草豆蔻 各二分 麩裏煨 右十五

味咬咀作一服水二饅煎至一饅去滓食前稍熱服忌生冷硬物及怒氣數日
良愈○論曰內經云留者行之結者散之以柴胡與升麻苦平行少陽陽明二
經發散清氣運行陽分故以為君生薑半夏豆蔻益智辛甘大溫消散大寒故
以為臣厚朴木香蒼朮青皮辛苦大溫通順滯氣當歸陳皮人參辛甘溫調和
營衛滋養中氣濁氣不降以苦泄之吳茱萸苦熱泄之者也氣之薄者陽中之
陰茯苓甘草澤瀉鹹平氣薄引導濁陰之氣自天而下故以為佐使也氣味相
合散之泄之上之下之使清濁之氣各安其位也

疝氣治驗

趙運使夫人年五十八歲於至元甲戌三月中病臍腹冷疼相引脇下痛不可
忍反復悶亂不安卧予以當歸四逆湯主之先灸中庭穴當歸四逆湯治臍腹

冷疼相引腰膝而痛方

當歸尾

七分

附子

泡官桂茴香

炒柴胡

各五分

芍藥

四分

茯苓玄胡索川棟子

酒煮各三分

澤瀉二分

右十味咬咀作一服水二觥

半煎至一觥去滓空心食前溫服數服而愈○論曰難經云任之爲病內結七疝此寒積所致也內經云寒淫於內治以辛熱佐以苦溫以附子官桂甘辛大熱助陽退陰用以爲君玄胡茴香辛溫除下焦虛寒當歸辛溫和血止痛故以爲臣芍藥之酸寒補中焦之氣又防熱藥損其肝陰澤瀉平茯苓甘平去膀胱中結垢川棟子苦寒酒煮之止痛又爲引用乃在下者引而竭之之意也柴胡苦平行其本經故以爲使也中庭一穴在臆中下一寸六分陷者中任脈氣所發可灸五壯鍼入三分或灸二七壯無妨

癖積治驗

眞定總管董公長孫年十一歲病癖積左脇下硬如覆手肚大青筋發熱肌熱咳嗽自汗日晡尤甚牙疳臭惡宣露出血四肢困倦飲食減少病甚篤有太醫

劉仲安先生治之約百日可愈先與沈香海金砂丸一服下穢物兩三行次日
合塌氣丸服之十日復以沈香海金砂丸再利之又令服塌氣丸如此互換服
至月餘其癖減半未及百日良愈近年多有此症愈之者多錄之以救將來之
病者也塌氣丸治中滿下虛單腹脹滿虛損者方 陳皮蘿蔔子炒各半兩
香胡椒各三錢 草豆蔻去皮 青皮各三錢 蝎稍去毒二錢半 右爲末糊丸如桐
子大每服三十丸食後米飲下日三服白粥百日重者一年小兒丸如麻子大
桑白皮湯下十丸日三服大人丸如桐子大每服四十丸如陰囊洪腫冰冷用
滄鹽乾薑白麩爲末各三錢水和膏子攤紙上塗小兒陰囊上沈香海金砂丸
治一切積聚散脾溼腫脹肚大青筋羸瘦惡證方 沈香二錢 海金砂輕粉各
一錢 牽牛頭末一兩 右爲末研獨頭蒜如泥丸如桐子大每服五十丸煎燈芯
湯送下量虛實加減丸數取利爲驗便利止後服

小兒季夏身熱痿黃治驗

一小兒身體蒸熱胸膈煩滿皮膚如潰橘之黃眼中白睛亦黃筋骨痿弱不能
行立此由季夏之熱加以溼令而蒸熱薄於經絡入於骨髓使藏氣不平故脾
逆乘心溼熱相合而成此疾也蓋心火實則身體蒸熱胸膈煩滿脾溼勝則皮
膚如潰橘之黃有餘之氣必乘已所勝而侮所不勝是腎肝受邪而筋骨痿弱
不能行立內經言脾溼者色黃而內蠕動又言溼熱成痿信哉斯言也此所謂
子能令母實實則瀉其子也若脾土退其本位腎水得復心火自平矣又內經
曰治痿獨取於陽明正謂此也予用加減瀉黃散主之加減瀉黃散此藥退脾
土復腎水降心火方 黃連茵陳 各五分 黃柏黃芩 各四分 茯苓梔子 各三分
澤瀉 二分 右咬咀都作一服水一大觔煎至六分去滓食前稍熱服一服減半
待五日再服而良愈○論曰內經云土位之主其瀉以苦又云脾苦溼急食苦
以燥之故用黃連茵陳之苦寒除溼熱爲君腎欲堅急食苦以堅之故以黃柏
之苦辛寒強筋骨爲臣溼熱成煩以苦瀉之故以黃芩梔子之苦寒止煩除滿

爲佐溼淫於內以淡泄之故以茯苓澤瀉之甘淡利小便導溼熱爲使也

入毒赤丸

治鬼疰病入國信副使許可道到雄州請予看脈予診之脈中乍大乍小乍短乍長此乃氣血不勻邪氣傷正本官說在路到鄆邯驛中夜夢一婦人著青衣不見面目用手去脇下打了一拳遂一點痛往來不止兼之寒熱而不能食乃鬼擊也予曰可服入毒赤丸本官言嘗讀明醫錄中見李子豫入毒赤丸爲殺鬼杖予遂與藥三粒臨卧服明旦下清水二斗立效又進白海青陳慶玉第三子因晝卧於水仙廟中夢得一餅食之心懷憂思心腹痞滿飲食減少約一載有餘漸漸瘦弱腹脹如蠱屢易醫藥及師巫禱之皆不效又不得安卧召予治之予診之問其病始末因思之此病既非外感風寒又非內傷生冷將何據而醫予思李子豫入毒赤丸頗有相當遂合與五七丸服之下清黃涎斗餘漸漸氣調而以別藥理之數月良愈不二年身體壯實如故故因錄之此藥可謂如

神合時宜齋戒沐浴淨室志心修合方雄黃礬石硃砂附子泡藜蘆牡丹皮

巴豆以上各一兩蜈蚣一條右八味爲末煉蜜丸如小豆大每服五七丸冰水

送下無時

蟬花散

治夏月犬傷及諸般損傷蛆蟲極盛臭惡不可近者晉州吳權府佃客五月間收麥用騾車搬載一小厮引頭被一騾跪倒又咬破三兩處痛楚不可忍五七日膿水臭惡難近又兼蛆蠅極盛藥不能救無如之何卧於大門外車房中一化飯道人見之云我有一方用多效我傳於汝修合既得方合服之蛆皆化爲水而出蠅亦不敢近又以寒水石爲末敷之旬日良愈眾以爲神故錄之方

蟬蛻青黛

各半兩

華陰細辛

二錢半

蛇蛻皮

一兩燒存性

右爲末和勻每服三

錢酒調下如驢馬牛畜損傷成瘡用酒灌之如犬傷用酵子和與吃蛆皆化爲

水蠅不敢再落又以生寒水石末乾摻上

定風散

治風狗咬破先口含漿水洗淨用繇子搵乾貼藥更不再發無膿大有神效凡
惡犬傷人咬破或一年二年三年四五年至七八年被犬傷咬破處或發疼痛
或發憎寒或甚至發風遍身搐搦數日不食而死十死八九予親見死者數人
此藥但丸犬傷咬破處無有不神愈申顯卿傳 防風去蘆 天南星生用各等分 右
為細末乾上藥更不再發無膿不可具述

腳氣治驗

中書粘合公年四旬有二軀幹魁梧丙辰春從征至揚州北之東武隅脚氣忽
作遍身肢體微腫其痛手不能近足脛尤甚履不任穿跳以騎馬控兩蹬而以
竹器盛之以困急來告予思內經有云飲發於中跌腫於上又云諸痛為實血
實者宜決之以三稜鍼數刺其腫上血突出高二尺餘漸漸如綫流於地約半
升許其色紫黑頃時腫消痛滅以當歸拈痛湯重一兩半服之是夜得睡明日

再服而愈本草十劑云宣可去壅通可去滯內經云溼淫於內治以苦溫羌活苦辛透關節而勝溼防風甘辛溫散經絡中留溼故以爲主水性潤下升麻葛根苦辛平味之薄者陰中之陽引而上行以苦發之也白朮苦甘溫和中勝溼蒼朮體輕浮氣力雄壯能去皮膚腠理間溼故以爲臣夫血壅而不流則痛當歸身辛溫以散之使血氣各有所歸人參甘草甘溫補脾胃養正氣使苦劑不能傷胃仲景云溼熱相合肢節煩疼苦參黃芩知母茵陳苦寒乃苦以泄之者也凡酒製炒以爲因用治溼不利小便非其治也猪苓甘淡平澤瀉鹹平淡以滲之又能導其留飲故以爲佐氣味相合上下分消其溼使壅滯之氣得宣通也當歸拈痛湯治溼熱爲病肢體煩疼肩背沉重胸膈不利下注於脛腫痛不可忍方 甘草炙 茵陳蒿酒炒 酒黃芩羌活各半兩 防風知母酒洗 猪苓去皮 澤瀉當歸身各三錢 苦參酒洗 升麻黃芩炒 人參葛根蒼朮各二錢 白朮一錢 五分 右咬咀每服一兩水二錢半先以水拌溼候少時煎至一錢去滓食前溫

服待少時美饕壓之

病有遠近治有緩急

征南元帥不磷吉歹時年七十有餘體幹豐肥丙辰三月初東征南迴至楚邱諸路迎迓多獻酒醴因而過飲遂腹痛腸鳴下利日夜約五十餘行咽噎腫痛耳前後赤腫舌本強涎唾稠粘欲吐不能出以手曳之方出言語艱難反側悶亂夜不得卧使來命予診得脈浮數按之沈細而弦創謂中書粘公曰仲景言下利清穀身體疼痛急當救裏後清便自調急當救表救裏四逆湯救表桂枝湯總帥今胃氣不守下利清穀腹中疼痛雖宜急治之比之咽噎猶可少待公曰何謂也答曰內經云瘡發於咽噎名曰猛疽此疾治遲則塞咽塞咽則氣不通氣不通則半日死故宜急治於是遂砭刺腫上紫黑血出頃時腫勢大消遂用桔梗甘草連翹黍粘酒製黃芩升麻防風等分呶咀每服約五錢水製清令熱漱冷吐去之噉之恐傷脾胃自利轉甚再服涎清腫散語言聲出後以神應

丸辛熱之劑以散中寒解化宿食而燥脾溼丸者取其不即施化則不犯其上熱至其病所而後化乃治至以緩也不數服利止痛定後胸中閉塞作陣而痛予思靈樞有云上焦如霧宣五穀味薰膚充身澤毛若霧露之漑是爲氣也今相公年高氣弱自利無度致胃中生發之氣不能滋養於心肺故閉塞而痛經云上氣不足推而揚之脾不足者以甘補之再以異功散甘辛微溫之劑溫養脾胃加升麻人參上升以順正氣不數服而胸中快利而痛止內經云調氣之方必別陰陽內者治內外者治外微者調之其次平之勝者奪之隨其攸利萬舉萬全又曰病有遠近治有緩急無越其制度又曰急則治其標緩則治其本此之謂也

脘寒治驗

征南副元帥大忒米耳年六旬有八戊午秋征南予從之過揚州十里時仲冬病自利完穀不化臍腹冷疼足脘寒以手搔之不知痛癢嘗燒石以溫之亦不

得煖予診之脈沉細而微予思之年高氣弱深入敵境軍事煩冗朝暮形寒飲食失節多飲乳酪履於卑溼陽不能外固由是清溼襲虛病起於下故胛寒而逆內經云感於寒而受病微則爲咳盛則爲泄爲痛此寒溼相合而爲病也法當急退寒溼之邪峻補其陽非灸不能病已先以火艾炷於氣海灸百壯補下焦陽虛次灸三里二穴各三七壯治胛寒而逆且接引陽氣下行又灸三陰交二穴以散足受寒溼之邪遂處方云寒溼所勝治以辛熱溼淫於外平以苦熱以苦發之以附子大辛熱助陽退陰溫經散寒故以爲君乾薑官桂大熱辛甘亦除寒溼白朮半夏苦辛溫而燥脾溼故以爲臣人參草豆蔻炙甘草甘辛大溫溫中益氣生薑大辛溫能散清溼之邪葱白辛溫以通上焦陽氣故以爲佐又云補下治下制以急急則氣味厚故大作劑服之不數服瀉止痛減足胛漸溫調其飲食逾十日平復明年秋過襄陽值霖雨間旬餘前證復作再依前灸添陽輔各灸三七壯再以前藥投之數服良愈加減白通湯治形寒飲冷大便秘

自利完穀不化臍腹冷痛足脢寒而逆方
附子泡去皮臍乾薑泡各一兩官

桂去皮甘草炙半夏泡七次草豆蔻麩裹煨人參白朮各半兩右八味咬咀每

服五錢水二觔半生薑五片葱白五莖煎一觔三分去空心宿食消盡溫服

氣海一穴在臍下一寸五分任脈所發三里兩穴在膝下三寸脢外廉兩筋間

舉足取之足陽明脈所入合也可灸三壯鍼入五分三陰交兩穴足內踝上三

寸骨下陷中足太陰少陰脈陰之交會可灸三壯鍼入三分髓會絕骨鍼經云

腦髓消脛酸耳鳴絕骨在外踝上輔骨下當脛中是也髓會之處也潔古老人

云頭熱如火足冷如冰可灸陽輔穴又云脢酸冷絕骨取之陽輔兩穴在足外

踝上四寸輔骨前絕骨端如前三分去邱墟七寸足少陽脈之所行也可灸三

七壯鍼入五分由是副帥疾愈以醫道爲重待予彌厚

肝勝乘脾

真定路總管劉仲美年踰六旬宿有脾胃虛寒之症至元辛巳閏八月初天氣

陰寒因官事勞役渴而飲冷夜半自利兩行平旦召予診視其脈弦細而微四肢冷手心寒唇舌皆有褐色腹中微痛氣短而不思飲食予思內經云色青者肝也肝屬木唇者脾也脾屬土木來尅土故青色見於唇也舌者心之宮水挾木勢制火凌脾故色青見於舌也難經有云見肝之病則知肝當傳之於脾故先實其脾氣今脾已受肝之邪矣潔古先師曰假令五藏勝各刑已勝補不勝而瀉其勝重實其不勝微瀉其勝而以黃芪建中湯加芍藥附子主之且芍藥味酸瀉其肝木微瀉其勝黃芪甘草甘溫補其脾土是重實其不勝桂附辛熱瀉其寒水又助陽退陰飴糖補脾之不足肝苦急急食甘以緩之生薑大棗辛甘大溫生發脾胃升騰之氣行其營衛又能緩其急每服一兩依法水煎服之再服而愈

風痰治驗

參政楊公七旬有一宿有風疾於至元戊辰春忽頭旋眼黑目不見物心神煩

亂兀兀欲吐復不吐心中如懊懣之狀頭偏微腫而赤色腮頰亦赤色足脡冷
命予治之予料之此少壯之時喜飲酒又積溼熱於內風痰內作上熱下寒是
陽不得交通否之象也經云治熱以寒雖良工不敢廢其繩墨而更其道也然
而病有遠近治有輕重參政今年高氣弱上熱雖盛豈敢用寒涼之劑損其脾
胃經云熱則疾之又云高嶺之上射而取之予以三稜針約二十餘處刺之其
血紫黑如露珠之狀少頃頭目便覺清利諸證悉滅遂處方云眼黑頭旋虛風
內作非天麻不能除天麻苗爲之定風草獨不爲風所搖故以爲君頭偏痛者
乃少陽也非柴胡黃芩酒製不能治黃連苦寒酒炒以治上熱又爲因用故以
爲臣橘皮苦辛溫炙甘草甘溫補中益氣爲佐生薑半夏辛溫能治風痰茯苓
甘平利小便導溼熱引而下行故以爲使服之數服邪氣平生氣復而安矣天
麻半夏湯治風痰內作胸膈不利頭旋眼黑兀兀欲吐上熱下寒不得安卧方

天麻半夏

各一錢

橘皮

去白

柴胡

各七分

黃芩

酒炒

甘草

炙

白茯苓

去皮

前

胡各五分黃連三分去須

右九味咬咀都爲一服水二觥生薑三片煎至一觥

去滓食後溫服忌酒麪生冷物明年春參政除懷孟路總管以古風一闕見贈
云書生暮年私自憐百病交遘無由痊自知元氣不扶老肝木任縱心火燃上
炎下走不相制一身坐受陰陽偏一月十五疾一作一作數日情惘然心忤忤
兮如危絃頭濛濛兮如風船去年卧病幾半載兩耳但覺鳴秋蟬羅君赴召來
幽燕與我似有前生緣藥投涼冷恐傷氣聊以砭石加諸巖二十餘刺若風過
行見鬱氣上突霏白煙胸懷灑落頭目爽塵空一灌清冷淵東垣老人醫中仙
得君門下爲單傳振枯起怯入生脈倒生迴死居十全方今草野無異賢姓名
已達玉階前病黎報君爲一賦欲使思邈相周旋青囊祕法不可惜要令衰朽
終天年

上熱下寒治驗

中書右丞姚公茂六旬有七宿有時毒至元戊辰春因酒再發頭面赤腫而痛

耳前後腫尤甚胸中煩悶咽嗑不利身半以下皆寒足腫尤甚由是以牀相接
作炕身半以上卧於牀身半以下卧於炕飲食減少精神困倦而體弱命予治
之診得脈浮數按之弦細上熱下寒明矣內經云熱勝則腫又曰春氣者病在
頭難經云畜則腫熱疔射之也蓋取其易散故也遂於腫上約五十餘刺其血
紫黑如露珠之狀頃時腫痛消散又於氣海中火艾炷灸百壯乃助下焦陽虛
退其陰寒次於三里二穴各灸五七壯治足脢冷亦引導熱氣下行故也遂處
一方名曰既濟解毒湯以熱者寒之然病有高下治有遠近無越其制度以黃
芩黃連苦寒酒製炒亦爲應用以瀉其上熱以爲君桔梗甘草辛甘溫上升佐
諸苦藥以治其熱柴胡升麻苦平味之薄者陰中之陽散發上熱以爲臣連翹
苦辛平以散結消腫當歸辛溫和血止痛酒煨大黃苦寒引苦性上行至顛驅
熱而下以爲使投劑之後腫消痛減大便利再服減大黃慎言語節飲食不旬
日良愈既濟解毒湯治上熱頭目赤腫而胸痛膈煩悶不得安卧身半以下皆

寒忌腑尤甚大便微祕方大黃酒煨大便利勿服 黃連 酒製炒 黃芩 酒製炒

甘草 炙各 錢 桔梗 三錢 柴胡升麻連翹當歸身 各一錢 右吹咀作一服水二

錢煎至一錢去滓食後溫服忌酒溼麪大料物及生冷硬物

陽證治驗

眞定府趙吉夫約年三旬有餘至元丙寅五月間因勞役飲食失節傷損脾胃時發煩燥而渴又食冷物過度遂病身體困倦頭痛四肢逆冷嘔惡而心下痞醫者不審見其四肢逆冷嘔吐心下痞乃用桂末三錢七熱酒調服仍以絛衣覆之作陰毒傷寒治之繼後汗大出汗後卽添口乾舌濇眼白睛紅項強硬肢體不柔和小便淋赤大便秘澀循衣摸牀如發狂狀問之則言語錯亂其舌則赤而欲裂朝輕暮劇凡七八日家人輩自謂已危殆不望生全鄰人吉仲元舉予治之診其脈六七至知其熱證明矣遂用大承氣湯苦辛大寒之劑一兩作一服服之利下三行折其勝勢翌日以黃連解毒湯大苦寒之劑二兩使徐徐

